

UMS sumbang lebih 2,000 bahan bacaan kepada SK Built Hill

DE 11-11-2012 3

Cynthia D Baga

PUTATAN: Sudah 43 tahun sejak Pendaftar Universiti Malaysia Sabah (UMS) Datuk Abdullah Hj Mohd Said meninggalkan SK Built Hill, tetapi beliau tidak melupakan waktunya ketika berada di sana.

Pada Sabtu, Abdullah mengunjungi sekolah tersebut bersama dengan lebih 2,000 bahan bacaan dan buku-buku akademik termasuk majalah yang disumbangkan oleh Jabatan Pendaftar UMS sempena dengan program tanggungjawab sosial korporatnya yang pertama.

"Saya berasa gembira kembali ke sekolah ini di mana saya mula belajar bersama dengan pemimpin-pemimpin kita seperti Timbalan Ketua Menteri Datuk Yahya Hussin.

"Dan kini saya kembali ke sini untuk memberikan sumbangan kepada sekolah ini..terdapat banyak perkara untuk diingati di sini..saya masih mengingati masa tersebut apabila saya pergi ke sekolah, saya berjalan kaki melalui sawah padi,"katanya.

Menurut Abdullah program itu dijalankan untuk melaksanakan penglibatan masyarakat di kalangan kakitangan jabatannya serta secara tidak langsung mempromosikan UMS kepada masyarakat.

"Selain itu, ia menyasarkan pada pelaksanaan tanggungjawab sosial untuk kebajikan masyarakat selaras dengan misi universiti dan saya berharap program ini akan bereterusan dijalankan dpada masa hada-



ELIZA menerima cenderamata daripada Abdullah (kiri).

pan.

"Saya juga ingin mengumumkan bahawa Jabatan Pendaftar UMS telah memilih sekolah ini sebagai sekolah angkat, dan saya akan mengatur satu lawatan ke UMS bagi pelajar di sini dan pengangkutan akan disediakan pihak kami,"katanya dan menambah beliau juga menerima cadangan daripada Guru Besarnya Eliza Norhame Mustapha untuk menjadi penasihat alumni sekolah tersebut.

Sementara itu, Eliza berterima kasih kepada jabatan berkenaan kerana memilih sekolah itu untuk pelaksanaan program masyarakat serta menjadikannya sebagai sekolah angkat.

Turut hadir kakitangan jabatan, guru-guru, ibu bapa dan pelajar-pelajar